

八瓊室金石補正

八瓊室金石補正卷二十九

太倉陸增祥撰

男 繼輝校錄

吳興劉承幹覆校

唐 十一

萬安令管均墓誌

方一尺四寸五分八行行十字字徑七分
正書方界格四周空二寸六分許在長安

大唐故綿州萬安縣令管府君之墓誌

公諱均城陽人也軋封元年正月十二日遘疾薨於私第春秋六十有九以調露元年十月十四日息宏福寺僧嗣泰収骨起塔於終南山鵝鳴埧禪師林左

右萬安令管均墓誌松坪所貽均爲縣令其子爲僧故用釋氏之法收骨起塔也均字中缺一筆當是嗣泰自書避其家諱標題稱綿州萬安縣攷萬安卽羅江也屬綿州天寶元年始名羅江開元元年又嘗析其地爲興聖縣廿七年省復若唐書地志所列之萬安則屬萬安州貞觀五年以前屬瓊州龍朔二年以前屬崖州與綿州無涉又福唐鄆城二縣均嘗名萬安則皆調露以後所置亦不屬綿州也均稱城陽人攷唐代郡縣無以城陽命名者管氏郡望有類上北海平原亦無城陽此所稱

者蓋隋縣名也屬豫州汝南郡去潁上不遠或卽
管夷吾之後歟宏福寺陝西通志云唐貞觀間太
宗爲穆皇后追福建神龍間改名興福禪師卽信
行也其地名百塔此亦百塔之一也

管真墓誌

高七寸廣六寸七分八行行九
字字徑六分餘正書在長安

大□□□□都替上柱國□□郡開國公孫管真墓誌

諱真城陽人也顯慶四年八月廿日終於私第春秋卅
有二以調露元年十月十四日收骨於鵝鳴埭禪師林

左起塔

右管真墓誌真無官爵以其祖官爵書之而具祖名字亦復無考管均誌爲其子嗣泰所立此誌與之同時蓋均之族屬亦嗣泰爲之收葬者

辰溪令張仁墓誌

方一尺四寸五分廿五行行廿五字字徑四分正書篆蓋題大唐故張府君墓誌銘九字在長安

大唐故辰州辰溪縣令張君墓誌

并序

君諱仁字義寶南陽西鄂人也粵若祥禽翊景襄城參問道之遊瑞獸披圖天幄鴈圯橋之冊博通羣籍對亡書於鼎川識洞幽微辯孽神於瑱浦曾祖嵩隋貝州清

河縣令祖生沙州錄事參軍父寬稟性清虛不希榮祿
無爲戰勝賦潘岳之閑居空觀坐忘訓嗣宗之襟抱遂
使揚雄寂寞不謝卿相之尊梁竦清高恥從州縣之職
惟君傳鈎襲慶落印開祥龍節孤標韻黃鍾於峴谷鳳
條危逢韞白雪於朝陽隱隱詞峯滔滔學海孔仞成半
邱之士黃陂爲尺畎之流爰自弱齡光茲筮仕解褐任
太倉丞秩滿遷辰州辰溪縣令涵牛大鼎亨小鮮於一
同舞鶴清琴播弦歌於三善冰壺湛照水鏡凝清戒三
戒於撲前銘四知於座右日者南中送節徼外鴈恩聚
餘孽於牂牁照明燧於包□以君□□兼備奉律龔行

師不踰時殄茲兇醜是用授公上護軍特加優錫然則

絳灌矣

謀

下車慙撫字之術蒔密佳政揚麾乏禦侮之

功兼而有之實惟君矣鴻漸于陸希叅鶴鼎之榮鯨波
不阻遽世夢雞之豐以儀鳳二年八月十日春秋六十
有二卒于辰州辰溪縣官第以調露元年十月廿三日
葬于高陽原惟君忠孝稟天仁義成性芳流桂岳澤潤
蘭泉滑稽阜用之辯藻續卿雲之筆既而青萍塵鋸白
玉淪光勒芳徽於元壤將地久兮天長其詞曰

孕靈軒系命氏星弓珠胎產月玉浦暉虹龍生瑞渥鳳

下

猶

桐彼美之子實代之雄誕秀公族毓粹卿宗廼文

廼武出孝入忠丹青國化幹蠱門風敦詩復禮善始令
終蒲密清政仁治道豐采縟春秀鑒明秋止學擯垂帷
才優閱市文峯千仞詞瀾萬里繁露駁申談元鳳峙南
鄉金玉西巖杞梓日薄崦岫波驚地紀與善無寶夢祲
斯□風結松郊雲愁隴趾鏤芳徽於泉戶庶無昧於年
祀

丙子冬秦中始出此誌瞿經莘以拓本寄貽按誌
稱南陽西鄂人新唐書鄧州南陽郡有南陽縣無
西鄂西鄂故縣名漢晉北魏皆有之此蓋從舊稱
也漢張衡爲南陽西鄂人仁或其苗裔歟仁藉於

西鄂卒於辰溪而葬於長安豈以其祖官沙州後
距家遼遠因轉徙長安邪隋書清河郡後周置貝
州清河縣舊曰武城置清河郡開皇初郡廢改名
新唐書沙州本瓜州武德五年曰西沙州貞觀七
年曰沙州太平寰宇記高陽原渭水西自鄠縣界
流入誌於沙州上不言皇朝皇唐等字於葬地不
言縣名皆文之疏略也薦作廌冊作用壺作壘鏡
作鏡英作吳蒲作蒲唯恭行作龔行猶見古本耳
張仁令辰溪可補入湖南通志職官

濟度寺尼法樂墓誌

方一尺一寸十九行行十九
字字徑五分正書方界格

大唐濟度寺故比丘尼法樂法師墓誌銘

并序

法師諱法樂俗姓蕭氏蘭陵人也梁武皇帝之五代孫
高祖昭明皇帝曾祖靈皇帝祖孝明皇帝父瑯琊新安
王隨金紫光祿大夫行內史侍郎

皇朝中書令尙

書左右僕射特進太子太保上柱國宋國公贈司空赫
弈蟬聯編諸史諒芳猷盛□可得而詳法師則太保之
長女也懃懃之□爰自幼童元妙之體發於岐嶷年甫
三齡歸誠六度說履高族落髮祇園既而禪□淪精羈
象心而有裕法場探秘蘊龍偈而無遺覺侶攸宗真門

取範而念想云倪景落頂弥之峯福應斯甄神升兜率之殿以咸亨三年九月十九日遷化於蒲州相好之伽藍春秋七十有四薨殯于河東以永隆二年歲次辛巳三月庚午朔廿三日辛卯歸窆于雍州明堂縣義川鄉南原禮也恐松垌難固柏棖終虧式醵貞石用勒芳規迺爲銘曰

華宗襲慶寶系承仙爰誕柔質歸心福田功登土地業贊三天神遊法未覺在童先喻筏俄捨慈舟遽捐幽扉永晦雅譽空傳

永隆無二年其年十月改元開耀誌刻於三月故

稱永隆三月庚午朔與通鑑目錄合辛卯是廿二
日誌作廿三日蓋書碑之誤也蕭瑀字時文唐書
有傳誌敘官爵與史悉合瑀好浮屠法嘗請捨家
爲沙門故其女以貴族爲尼三歲出家必瑀之命
也瑀之女兄爲后而其女於孩提時卽令爲尼異
哉陝西通志濟度尼寺永徽中徙

強三娘造心經題記

高一尺五寸廣一尺一寸十七行行廿字字徑
四分正書方界格上刻象在陝西乾州中巨寺
般若波羅蜜多心經 文不錄

永隆二年五月四日雍州好時縣佛弟子強三娘爲

亡□及父婆男女眷屬敬造弥勒世尊觀□音地藏

二菩薩及鑄般若多心經□男張万基弟

後缺

案經在乾州中巨寺末題永隆三年五月四日

祥案石刻

係二年二上微蝕似三字耳永隆無三年也雍州好時縣佛弟子强三娘

云云攷好時縣今乾州地秦置好時後周省入漠西

隋開皇十八年復改漠西爲好時大業三年省入上

宜唐武德二年復置好時屬雍州

隋唐石刻拾遺

范陽令楊政本妻韋氏墓誌

高一尺二分半廣九寸八分廿二行行廿二字正書時帶行體在陝西

大唐故幽州范陽縣令楊府君夫人韋氏墓誌銘

夫人諱檀特字毗耶黎京地杜陵人也神皋華實揔陸
海之紛敷巨泓靈長控八川之決莽珠光集乘已聞賢
之談金氣衝籙寔重聖人之道貂蟬之美相繼蘭菊之
芬不絕夫人魏太傅郎襄公之曾孫周內史京地尹河
南公之孫隨尙衣奉御舒國公之第二女體少陰之慧
苞太和之靈佩張葳以自勗擁曹誠以飛馨神彩嶸然
莫姿獨茂進前白雪得飛絮之奇情琴裏清風知絕絃
之不調年甫十五歸于隨尙書左丞國子祭酒宏農楊
汪第五子幽州范陽縣令政本河魴之美乘龍之慶休
祉冠於二門榮耀覃于九族豈不妄動用遵珩珮之聲

口無擇言必叶詩書之味然而四卽流邁百齡飄忽如
賓之敬不居遠客之遊斯盡世有幾卽聖所天憚々獨
虜哀々長疚撫衾幃而歎息望閭闔而洞開仙草十洲
反魂之語待說寔梧半死餘生之望幾何寧以永隆二
年八月一日終于永甯里春秋七十有四卽以其月十
八日窆於雍州明堂縣義□鄉禮也恐雙龍有會將申
共穴之儀駟馬長鳴無復佳城之記式鏤金石用播蘭
茝其銘曰

莫々之秀灼々其芳家承鍾鼎德潤珪璋女儀閑泝母
範妍詳地宣六氣天迴二光龍孤劍沒鶴窳琴亡長終

唯編永絕穹蒼餘生可見奄逐徂光薤音悽囀松路虛
涼勒金聲與玉質固地久而天長

右志近始出上無撰書人名已聞賢之談句脫一
字薤音悽囀音葢音之訛檀特毗耶梨皆西域譯
言修鮮都督府有檀特州夫人先世不顯其名攷
新唐書宰相世系表韋氏郎公房文惠公旭次子
叔裕字孝寬子總字善會後周京兆尹河南貞公
子柱成襲郎國公匡伯隋尚衣奉御舒國懿公子
思仁尚衣奉御子巨源相武后中宗是夫人爲匡
伯之女巨源之姑也又案隋書韋壽傳云字世齡

父孝寬周上柱國鄖國公新唐書韋巨源傳云後
周京兆尹總曾孫祖貞伯襲鄖國公入隋改舒國
宏簡錄韋巨源傳云曾祖總後周京兆尹鄖元作勛誤
國公祖貞伯襲爵入隋改舒國至尙衣奉尉是夫
人之曾祖爲孝寬表作叔裕者北史周書傳皆云
叔裕字孝寬少以字行也孝寬於周天和五年進
爵鄖國公大象二年卒贈太傅諡曰襄誌系之魏
撰文者之誤夫人之祖爲總北史傳云追封河南
郡公諡曰貞誌不言諡者略之宏簡錄云鄖元作勛誤
國公與表誌均異誤也夫人之父據隋書及宏簡

錄爲貞伯據表爲匡伯表所載襲爵者爲柱成北
史傳襲爵者爲國成皆非匡伯元和姓纂總生匡
伯國照匡貞不同或宋人避諱所改柱成當卽國
成而姓纂不列其名柱國又復互異圓表又作圖
皆疑不能明矣隋書百官志下尙食尙藥尙衣尙
舍尙乘尙輦等六局各置奉御二人皆置直長以
貳之別無奉尉之名宏簡錄誤矣又攷隋書楊汪
傳云字元度本宏農華陰人曾祖順徙居河南此
誌云宏農者舉其郡望也汪於高祖時拜尙書左
丞煬帝卽位守大理卿歲餘拜國子祭酒大業中

爲銀青光祿大夫嗣出爲梁郡通守後越王侗爲
主徵拜吏部尙書誌蓋約舉之耳傳不詳其子姓
新唐書宰相世系表云汪字元度隋梁郡通守子
令本庫部郎中不及政本據此可補之尙有二子
則無從攷矣新唐書地理志幽州范陽郡大都督
府本涿郡天寶元年更名領縣九無范陽范陽本
涿武德七年更名屬涿州不屬幽州涿州大厯四
年析幽州之范陽歸義固安置此誌云幽州范陽
縣者時未改置也又案志京兆府京兆郡本雍州
開元元年爲府萬年本大興武德元年更名析置

正陽縣七年省總章元年析置明堂縣長安二年
省天寶七載曰咸甯至德三載復故名此誌云雍
州明堂縣者在總章析置之後尙未省改也均與
史合高宗本紀永隆元年八月乙丑立英王哲爲
皇太子改元開耀此誌云二年者永隆二年十月
始改開耀也

開業寺碑

開耀二年二月八日
萃編載卷五十九

乘八正

八誤
公

昔我宴居

宴作
宴

似微言於西竺

竺作
竺

殊姿

萬計名

姿誤
誤

天降異人

降誤
隆

斯虛

虛作
虛

主

虛作
虛

四章八藏

缺章
字

都畿肚

畿作
興

薰脩戒範

薰誤
董

榮殊作牧

殊誤
席

仕必還鄉

缺必傍詢碧礎礎誤凌雲之構缺構瞻彼伽藍瞻誤

垂泯迹泯作四牡標榮缺牡

碑陰

上截刻像六題名七行行字不一字徑八分正書

沙門曇朗供養 沙門曇寶供養 置寺沙門僧明供

養 建伽藍主陝州刺史司徒公李徽伯 息徐州刺

史北海郡子早 息豪州刺史兵部尚書子確 元孫

行本州錄事參軍事崇愍

附宋刻五段

李致等題名 在碑陰之左四行行九字字徑一寸二分正書左行

濟南李致至道王亢退之沿檄過此同宿承天佛舍元祐辛未陽月念五日題

孫明之等題名在碑陰中右二行行八字字徑一寸正書

孫明之宋道明同來崇甯甲申三月望日

孟川等題名在碑陰之右五行行八字字徑一寸四分正書

大名孟川至林東吳錢賓國楊庭松職事過承天觀蘇文舉書甚得心畫之妙因留題碑陰太觀庚寅中春七日寺主圓

仙摸刻

劉子野等題名在李致題名下三行行十字末行十一字字徑二寸三分正書左行

按都劉子野鄴下徐孝先鄭圃曹唐老拾視稿苗全觀

此碑宣和庚子仲夏辛酉

鄭昂題名

在碑陰右上截像下八行行四
字五字字徑一寸四分行書

余宣和三年挈家遊封龍值雨泊承天寺
三卽能仁寺也姪彭年同來元氏鄭昂德彰書

右碑陰上截畫象六題名七行象左右各三左爲李
徽伯父子皆衣冠西向徽伯手執蓮花子曰執笏子
雄右手執一物不可辨銜名四行徽伯稱建伽藍主
末一行爲徽伯元孫崇哲銜名右爲沙門僧明等三
人象手執蓮花東向題名三行皆稱沙門某人供養
惟左一行僧明稱置寺沙門蓋皆後魏孝文時人事

詳碑文中此下題名五段元祐辛未崇甯甲申大觀
庚寅宣和庚子三年各一元祐辛未李致等題名稱
沿檄過此同宿承天大觀庚寅孟川等題名沿職事
過承天觀蘇文舉書宣和三年鄭昂題名稱承天寺
卽能仁寺據此知開業寺在宋又有能仁承天之稱
矣諸人皆無考書史會要有鄭昂字尙明福州人善
筆翰嘗撰書史二十五卷與此是兩人又李致等題
名末書元祐辛未陽月念五日題亭林謂以廿爲念
始見於此楊用修謂廿字韻書皆音入惟市井商賈
音念而學士大夫亦從其誤者也又宣和庚子仲夏

劉子野等題名稱檢視稿苗全觀此碑案宋史徽宗
本紀宣和二年無真定旱之文當是元氏一縣之災
故史不書耳

張懿造象記

象連座高七寸五分廣三寸五分厚一寸五分題字
刻左側及佛背四行行八字至十字字徑四五分正
書藏
子家

永淳元年歲次壬午二月十五日佛弟子張懿爲父母
敬造世伽佛一區一心供養等成正覺

右張懿造象記舊在華州古塔內癸酉六月購之
於袁裕文釋迦作世伽犯太宗廟諱鄉愚不足責

也余牧有張懿墓志清河人葬于永濟二年或卽

此人

僕寺廐牧令蘭師墓志

高一尺六寸三分廣一尺五寸六分廿五行行廿七
字銘詞每行廿四字字徑四分蓋題蘭府君墓四字
俱正書
在洛陽

唐故僕□□牧

下

公諱師字光□南陽人也若夫逸□橫□□□□瀛□
表高□之□森梢萬畝之餘韜映今古昭彰史誅具皆
聰暉□紫擢穎朝□□□□克隆華構者卽蘭君而
已矣祖連周車騎將軍龍□比□蛟□推雄功超光祿

之前名冠將軍之右父義通

皇朝相州參軍局量

該□詞條□□竟有聞□悲調何以盡□瓌材公幼負

□節孤標□譽覽□墳於□歲拾青紫於□昌辰萬頃

洪波溢黃陂而派日一枝□□淩鄉□□以騰芳風霜之

氣凜然岳瀆之靈斯在爰於弱冠卽預簪纓□□右尙

署丞又轉僕寺庶牧署令或官連武庫器寶邦基上下

挹其□□□□其忠孝注川上□軟千駟而楊鑾玉

塞霜蹄造六閑而服皁屢蒙優擢□霽榮班荷日月之

貞暉勵鷹鵠之勁翮方當享□天祚蔭在□□□

□□之遐蹤騁騄駘之逸足不謂東流淼々龍門之箭

不□西景駿々烏□之論莫返□以永清元年歲次壬
午七月壬辰朔十七日戊申卒於□善里之私第春秋
五十有八卽以其年八月十四日權殯于邛山之北原
禮也惟君廟堂瑚璉鼎鼐鹽梅信義浹於杓楸□□顯
於刀筆遂得培高風而獨運橫巨壑以孤□頻趕魏闕
之前載踐□宮之地既而冲霄墜翼搏九万而無回縱
海摧麟擊三千而不□□□□乎罷奏里閤同悲池臺
宛芳未平窳窳幽芳已閉嗚呼哀哉□□約□崩心聞
於厚地泣血盡於徂暉懼陵谷之□遷紀聲猷於不朽

□詞曰

源流湛□胃緒蟬聯弥綸素諫暉映青編文武不□
□□□□□□□□□□□□□□□□忠貞繼踵与朋唯信依仁必
勇並蹈□規□□□□□□□□□□□□□□□□
獨秀令問惟新材成□□□□□□□□□□□□東川水逝□
□□□□□□□□□□□□□□□□□□□□□□□□
邛山舊阜蒿里新塋烟霾拱木日黯佳城九□之上
万古□□□□□□□□□□□□□□□□□□□□□□

右蘭師墓志在洛陽存古閣蘭氏出鄭穆公之後
其祖名達父名義通均無攷其職稱僕寺廐牧署
令案新唐書百官志東宮官僕寺僕一人從四品

上其屬有廢牧署令一人從八品下丞二人從九品下誌於廐牧署令之上存右尙署丞四字右尙署丞四人從八品下

朝請大夫張懿墓誌

方一尺二寸五分十七行行十七字惟弟十三行多一字字徑六分正書在西安

大唐故朝請大夫張君墓誌銘

并序

君諱懿字萬壽清河人也昔王耀南輝抗炎精於翠鳳金鈎西慶肇昌緒於靈禽或輔翼攀龍創鑿九於漢日或飛榮摠秀捧雀環於晉朝父緒隨任汾州戶曹叅軍質表珪璋心苞松竹堂堂張也未足標其美懍懍志

也秋霜詎得比其威輝褐蒙授朝請大夫觀國觀光筮
仕之期纔遘夢楹夢奠止隅之釐已丁先薨于返康斯
里春秋八十卽以永淳二年癸未二月己未朔十五日
癸酉遷于長安縣龍首鄉之原禮也五百昌期於斯永
謝三千冥契卽此長歸幣瘞幽垆無復長安之日魂收
拱木仍跪京世之吁嗚呼哀哉乃爲銘曰纂喪靡墜弁
冤聯綿授身送歎寔乃良賢不求祿位養性邱園月之
變改年隨逝川其一歎永謝玉質無全誰知積善不復
長返春秋邇往日月旬還令德不朽歷代流傳

其二

石朝請大夫張懿墓誌是西安新出土者刊刻有

舛錯處心苞松竹上空一格堂堂張也下脫二字
其一兩字用大字連書與下不一例猷永謝上脫
一字悉依原石錄之箕作簋冕作寃皆俗字永淳
二年卽宏道元年是年十二月改元誌刊於二月
故稱永淳銘曰投身送歛寔乃良賢蓋自隋歸唐
者永淳二年春秋八十則生於隋仁壽三年也延
康里卽延康坊在朱雀街西長安所領隋楊素宅
亦在其地清河隸河北道貝州懿葬長安則所謂
清河人者或舉郡望而言

散騎常侍褚亮碑

高宗末 萃編
載卷四十八

字希明

缺希明二字

貞臣

缺貞字

入京謁見

缺入字

賦樓光炤

缺炤字

字

蓬瀛義標科籀

缺瀛義標科籀四字

世系表亮祖象太子舍人舊唐書本傳祖蒙太子中

舍人碑亦作蒙與舊唐書同傳貞觀九年進授員外

郎散騎常侍封陽翟縣男碑封陽翟縣男在貞觀元

年亦可正史之誤

平津讀碑記

潛研跋云碑之立在高宗朝其時遂良已得罪貶

死故祇述襲封陽翟侯遂賢一人萃編跋云玩其

語氣自在遂良卒後二歲及宏道元年高祖遺詔

放還本部之時案金石錄列於高宗之末今從之

述聖記殘碑

高存三尺四寸至二尺二寸五分不等廣存二尺十
六行行存十八字至三十字不等字徑一寸正書在

陝西

^缺上出潛鱗於紫泉之裏收逸羽於丹青之上五往三就

志切求賢得上以昌^缺上於百年矣若夫堯光四表纔臨

玥昧之墟禹奠九州止屈蠻要之服未有^缺上之滋連寶

植而拍佞抽朱草榮而丹芝秀郊呈皓質沿戲黃鱗澤

馬連^缺上觀六變楊而地門闢五精降而天庭開興百王

之絕典播千祀之高躋^缺上之術及聖謨天斷獨出

羣心違命者則必無功承制者莫不稱^缺上鷄岫霧卷碧

於龜林遂使煙息朝烽聲埋夜柝自聖唐之馭天上缺

神人吸風之地每降汾水之遊天師乘日之野屢動茨

山之駕永上缺戀徒深曾早落排彌天之痛逾切奄四瀛

而遐密亘上缺皇大帝廟曰高宗願以广虛課承

軋蔭竟上缺聖德逾隆百行咸該而孝行弥著每聞義夫

節上缺川唯此梵懷必顙奉成先志每言留葬東土上缺

儀上缺制德弥厚者藏弥薄聖逾重者瘞逾輕且珠寶

上缺聖道自欽承顧命奉以周旋藏殮之資一遵遺志

斯地則川阜明秀林甸威上缺栢示無凋方隆七廟之

基重受三靈之眷豈非德動天地慶延無極者乎上缺從

羣公列辟表奏相望以爲闕輔尙虛又頻鍾禍故黎庶
之情猶懼宸極之上元展位尊丹碑所絕遐觀列代

莫樹豐瓊所以略存傳紀弗存銘頌庶

右殘碑存十六行行存十八字至三十字不等前
尙有一行僅辨士風早等三半字不復錄入碑在
陝西未審其詳文有云廟曰高宗則在高宗以後
可知文內不避隆基則在明皇以前又可知不用
武后所製字則非在載初以前卽在長安以後紬
繹文義在高宗營葬之時當是述聖記後半之下
截也石墨鐫華謂碑存兩段萃編僅載上截其一

段疑卽此石

東城令宋夫人王氏墓誌

方一尺六寸五分廿三行行廿三字弟
十七行廿四字字徑六分正書方界格

大唐故瀛州□城縣令宋府君夫人王氏墓誌銘并序

粵若二儀伊始靈坤於是育萬物雨氣聿初太陰以之
調四序降三才之秀人道尊焉含四德之華母儀先矣
上則處胎施教父_母之雅範高馳下則從里求仁孟母
之芳猷遠舉其有流謙善垂母訓於千齡稟慶中和
成母師於一代當仁有屬□在夫人者歟夫人諱字

本北海劇人上蔡從官役居_宏農湖縣十代祖潛晉

龍驤將軍自運下璫璣鳴簫大麓□野功班石弩兮茅
太昊之墟鳳凰于飛建千乘於滄溟□曲鴻鵠聳志懸
三刀於碧落之前國史詳焉可略而述祖□邵州司法
父機朱陽主簿並珪璋令望廊廟奇才驥伏小藩龍盤
下邑夫人含章挺粹驪川鳳穴之祥稟秀資靈月宇星
津之慶自移天景族對君子而如賓履順中闡奉慈姑
而展孝德音無數謝閭逾清慈訓有方曹閨已肅加以
凝神妙有睿想色空劒斲邪山梁通法海金文演說引
花線而增誠寶塔莊嚴解珠璣而不倦方期輔仁可怙
永保遐齡而藏壑難留俄悲大夜以永滄二年正月三

日終于私第春秋七十六以光宅元年十月廿四日合
葬于衡山舊營禮也子守元守敬等哀深陟岵痛極風
枝叩地無追彌天向訴遂乃圖芳紀德勒石鐫金庶存
不朽乃爲銘曰 若水延慶姚墟降祥有媯之後將育
于姜仁基峻極德派靈長茂實不墜遺苗克昌其載誕
溫柔降生儀令玉潤丰質蘭芬比性內範肅恭中規雅
亾韶望允屬德音斯盛其天道反覆神理虛盈黃泉鄭
隧白日勝城草生馬鬣塵飛鶴塋圖芳篆懿勃此豐銘
其三

右東城令宋夫人王氏墓誌標題城縣上泐一字

攷瀛州屬縣有束城有景城景城於貞觀元年攷
隸滄州大祿七年復舊此誌所缺故知是束城也
文云徙居宏農湖縣攷湖縣晉屬司州晉以後無
湖縣之名此所稱爲晉縣也又云十代祖濬晉龍
驤將軍晉書列傳王濬字士治宏農湖人官至鎮
軍大將軍加散騎常侍領後軍將軍後又轉撫軍
大將軍開府儀同三司加特進未有龍驤之號撫
軍龍驤大將軍開府者位皆從公而龍驤在四征
四鎮之次且志所敘并不加大字撰文者之誤也
兩氣作雨誤展作展懿作懿俗塋作營或同音通

借夫人諱字缺而不書

龐德相等爲父造金剛經頌

高六寸八分環三面前後各廣二尺六寸側廣一尺
七寸五分前面頌三十四行行十至十三字不等側
題名二十二行行七八九字不等後面題名一段十
行少空又一段七行行六七八字不等字均徑五分
正書在
房山

唐故上柱國龐府君金剛般若經頌

公諱懷字伯其先南安郡人也遠祖因宦家於范陽爲
曾祖光魏任鴈門郡丞祖安齊任魏州昌樂縣令父謙
隨任芝州別駕並價重連城光融照乘棲仁杖義履順
居貞公璧孕藍田珠生漢水勿不好弄長實多能勲庸

冠於朝倫領袖於士友詎心門稱武亢室擬龍泉而
已哉豈其與善無徵云亡奄泊遽以光宅元年十一月
遘疾終於私第春秋七十九也有子德相尋扣地屠魂
彌天泣血想津梁之無援思迴向之有因以爲救助莫
若於受持施與不及於書寫今敬爲亡父鑄石造金剛
般若經一部卽以垂拱元年四月八日雕飾畢功兼設
四部衆齋送經於山寺之頂也重巖萬仞上亘有天幽
谷百尋下臨無地縹緲接影□梵連聲同欽祇樹之風
共挾恒河之潤而爲頌曰

有爲有著三千大千情塵蔽景業部橫山驚猿不息縈

驚自纏□珠靡解心火徒燃

其一

恒河灑潤祇樹搖風

卽色非色言空空不空無來無去甯始甯終□□妙法其

唯大雄

其二

如露垂□恒沙善誘書寫受持□爲法首□

□□來天長地久陵谷可傷金石無朽

其三

□□上柱國龐德相□□弟長上果毅上護軍德立

弟柱國名立弗左金吾翊衛元表相妻楊立妻張名妻

鄭表妻劉相息謹忠妻劉謹泰思謹思忠女二娘十娘

立息謹信克儉女五娘名息謹寤克勤謹約女淨心八

娘表息鄭賓小賓女朱兒博兒妃兒

姊夫涿城府隊亡郛神行亡妻龐妻胡息奉祖奉義女

三娘妹夫何方海妻龐息天僧天廣天保天劔天助女
提希新希□□上柱國史四郎□□□護軍承問承
□□□□兒九兒當□四兒

上騎都尉郭神恭母胡妻梁

□□朗妻馬

龐懷閨妻孔

龐懷素息義重

龐懷道息小牖

史君昂妻□息僧端

寧仁舊安高息燕□

寧元興亡父仁慶母龐

劉天託妻王息元哲元威元節

飛騎尉劉山剛妻唐

劉阿表妻龐

張善登息思謹

上柱國劉□相妻□後有一行泐

此碑跌也在房山小西天其地金剛經刻甚多拓工以額有袁敬銜名一刻謂卽此跌之正碑以尺度之彼廣二尺八寸餘此才二尺六寸不應碑寬而跌反狹碑爲龐德相等造不應復爲袁敬之碑

殆拓工誤也今姑闕之袁敬金剛經碑分隸雷音
洞無年月諸刻內按姓纂龐氏本望南安碑云其
先南安郡人是已遠祖不載其名無從攷證曾祖
祖父名亦不見史冊龐公諱懷字伯題名諸人有
懷閨懷素懷道者此云諱懷名止一字歟抑下一
字諱而不書歟後列題名諸人皆龐氏之戚族頌
語整飭有法書字道逸大有虞褚筆意與法華經
諸刻出一人之手惜不著姓名也郭神行署銜涿
城府隊正涿城府隸幽州

八都壇神君實錄

高七尺七寸六分廣二尺五寸三分卅一行行四十
四字字徑五六分有界格正書額兩層上層題大唐
二字下層四行行二字題八都壇神君實錄七
字分書額下有穿圓徑三寸五分在元氏縣

昔唐堯氏作奄有異方晉卿族興裂爲趙國□□羣□

□□□□□□□□祠宮跨南垂而臨北際業希舊

時古木十圍道亞仙公幽靈八座精義而入相兆於儀

形妙物□□□□□□八都壇者都望八山之始壇

也此地名山封龍之類有八因壇立廟遂爲号爲親親

之道或謂昆季則壇□□□如桂有叢連蜺偃蹇于庭

之畔方丈之地八樹星羅閒踈然見同氣長幼之象然

而深根固本龍盤武據建殖時代人莫能知驗其磊落

多古殆萬年也蓋棟宇未作靈祇之所昇焉氣色青忿
狀煙霏子霧籠馨香酷烈若蘭時子菜節左車降生之
地休蔭宏多漢明載說之城芳猷允塞豈徒川原之上
祇稱明淨而已哉昔漢光和州將馮氏敬而不怠穀至
兩錢感恩立銘盛績猶在自茲手後鮮或能繼雖明

時聖日久

此四字
占三格

屬昇平而旬雨谷風頃乖期候或蚩

鳥荐出商羊屢舞願畢昂之兮野同壽春之東西九年
之儲汲汲於餬口萬人之衆敖敖以疚心獨我閭亭不
減平素匪惟神助亦在人宏宏之而誰可得言也時令
蕭倓梁後主之幼孫陽羨公之愛子金陵地業夙著孟

名玉樹時英少歸雅望禁衛衽寵期黑頭以爲公數奇
不調將白首而作宰安此下人頌聲載路丞薛惟節曾
祖暉列棘周代大父約剖竹 皇家君之降生衆推必

復青雲百遠貳翔鸞於斗城非罪而來

此十字占十一格

助剖

鷄於子邑主簿趙延慶體貞魁梧識度夷曠久而益敬
芬若芝蘭仰之弥高邈如雲漢左尉司馬元同噐宇幽

深學術該贍何思何慮運鬼謀於掌握元之又元

此四字占

三窮道源於脣吻此等官屬實曰循良僻人爲龍如鸞

佐鳳聰明亾直道合於神蘋繁蘊藻感而必應井邑之
地水旱無虞疆里之間稼穡獨茂甫田歲計

穿家積于右

箱奩餘資周給壹郡就蒙福祐更表休徵嘉禾白鳩

往往間出殊根會蒂示同心也雪羽霜毛旌潔上穿空三格

白也酒食宴樂穆將愉予未央暉光日新鬱紉而何

極隣城以之健羨臺府由其籍甚禋祀相望掃除不上穿

空四格暇刺史馮義故御史大夫安昌公之子也六藝俱

學于何不長八體論功斯為特妙褰帷露冕不墜家聲

上穿空三格拔滯摧豪以為己任下車未幾親行禮秩簠簋

始奠雲滿四郊舞詠未終澤洽千里司馬雲暎有清劭

之才負 邦國之譽非其不可所寄無憂嘗以龍見密

雲逾積甃紆鶴履明德是歆曾不崇朝滂霈而返司法

參軍陳鼎量家保太邱之道宦得于公之名俎豆之間
知其可任其後微旱又令禱謁曲加弊貺願芝爲文不
以人廢言亦應時流溢凡數齋告而屢有年八縣空倉
壹朝重寶皆可案覆而敢公言只如呼木扣藤沐蘭薦
藻日有萬計願無壹違可得而聞不可得而說也神之
隣里鄉黨列於碑陰者叁拾伍人並地望時雄耆年宿
德每有邀福常所與祭荷明神之重施欲古廟之增修
間伺農隙率先人願以垂拱元年十月一日依洪洞故
事而興版築長垣百堵煙雲相連迴廊四注陰陽不測
太廈中起巍然若扶幽邃窈窕不可談悉於是繪事八

山署置參面千巖萬壑宛在目前想宣父之名邱思啓
母之爲石琢磨琬琰放象體勢方面列筵班白有序光
流聲殷之祉從此而歸骨青耳細之竒望之如在巖巖
爲森森爲人莫敢視豈周訪之能安寢乎事畢功宏既
而骨悅披文相質方議雕鏤忽有得神古碑有額無頌
規矩裁制則光和碑之元偶也嗟乎人懷陵谷之慮兩
地不孤神知修復之期千齡繼出氣衝積雪暫如埋□
光照叢臺終同返辟宰君重其神應嗟玩久之謂余曰
抱璞俟時豈無人之別玉闕文有待蓋知來之如今其
漢碑之建立也方伯馮公在位左尉樊君撰文此時也

刺史又馮君居右局神意人事余知之乎元質肆拾無
聞壹命而仕地孤鼎氣家累玉山承乏末寮名何足數
雄文遠薦有覲於當仁吉事惟先不遑於覃思直書其
事焉敢論文勒爲實錄樹之於右蕭公結構簡貴筆無
妄□崇重明神敬恭繕寫鈎迴電轉金曜星繁庶以敷
揮幽明燠澈今古頌八君保乂俾萬代垂此九字古八格光名
之揚于德之至此六字古五格神之來于此無愧土之安于岳
之列若有人于斯不滅爲榮觀于□可閱

右八都壇實錄撰人名元質不見其姓又不著書人
名氏其字畫亦可愛碑首題云大唐八都壇神君之

實錄其文云都望八山之始壇也此地名山封龍之類有八因壇立廟遂爲號焉封龍山在今鎮州其餘七山不見其名又云漢光和中碑而今亡此碑垂

拱三年立

集古錄
跋尾

唐八都壇記碑首題曰八都壇神君實錄八都者蓋其境內封龍等八山爲壇都望而祭之因壇立廟以爲名刺史馮義

黃本誤
作又

縣令蕭倓等禱雨有應修其

廟而爲之記因列時人姓名於後撰述者自稱元質

而不著姓亦無書人名氏碑以垂拱三年立

集古
錄目

右碑歐陽氏集古錄陳氏寶刻叢編皆著錄河朔訪

古記八都神壇在縣西故城西門外天下碑錄有漢八都神廟碑在鎮州元氏縣西北二十里廟壇下光和中立寶刻叢編引訪碑錄同漢碑今佚不可得據此碑知唐時漢碑尙在碑云披文相質方議雕鏤忽有得神古碑有額無頌規矩裁制則光和碑之元偶也又云抱璞侯時豈無人之別玉闕文有待蓋知來之如今據碑云云似漢碑有額無文今此碑製作甚古額上銳如圭形有穿在碑額下十五十六十七行第五第四格上碑惟漢刻有穿此刻疑是漢碑故石當是原石字多漫漶蕭令不察遂謂漢刻無文及元

質文成磨礪漢石刻之並題額亦遭剗毀耳撰文人名元質而不見其姓碑云元質肆拾無聞壹命而仕又云承乏末寮名何足數又云漢碑之建立方伯馮公在位左尉樊君撰文此時也刺史又馮君居右局案唐制諸州上縣有尉二人從九品上元氏在唐隸趙州爲上縣例得置左右二尉碑厯敘元氏令丞左尉而不及右尉知爾時爲右尉者卽元質也君居右局句可證碑云八都壇者都望八山之始壇也此地名山封龍之類有八因壇立廟遂爲號焉案八山之名見於漢碑及地志者五曰三公曰封龍曰無極曰

白石曰靈山又祀三公碑之御語山疑卽六名山之
一見白石神君碑跋其餘二山無攷又碑云時令蕭
倓梁後主之幼孫陽羨公之愛子後下一字泐當是
主字疑卽後梁後主蕭琮也案北史蕭琮傳不言其
有子幾人惟云子鉉位襄城通守新唐書宰相世系
表齊梁房琮子亦止載鉉集州刺史其餘子孫多不
見又後周書蕭詧傳歸子璠封義興王有傳附後云
璠字欽文歸第三子位至荊州刺史隋師至璠奔陳
授侍中安東將軍吳州刺史陳亡吳人推爲主戰敗
伏法案陽羨在梁陳間爲義興郡附郭縣隋平陳郡

廢改陽羨爲義興縣唐武德七年於義興置南興州
並析置臨津陽羨二縣八年州廢省陽羨臨津以義
興屬常州所云陽羨公豈武德七年復置陽羨縣邪
抑係後梁蕭琮諸子曾爵此土邪其名竟不可攷又
碑稱倓有禁鬱竊寵之語知倓以貴主壻出宰元氏
攷新唐書公主傳世祖一女高祖十九女太宗二十
一女高祖三女下嫁蕭氏者惟太宗女襄城公主爲
蕭瑀子銳所尙銳卒更嫁姜簡永徽二年薨武后稱
制以前蕭氏自銳外別無尙主者或係郡縣主壻亦
未可知碑又云丞薛惟節曾祖暉列棘周代大父約

剖竹皇家後周書後梁有薛暉河南人附蕭督傳蓋
卽其人暉有六子本傳僅見其二皆不名約而兩唐
書亦不見薛約之名惟宰相世系表薛氏南祖房平
陽郡公嵩庭五世孫名約時代遠隔絕不相蒙特名
姓相同耳趙州刺史馮義碑言其爲故御史大夫安
昌公之子攷安昌公當是馮長命張說集馮昭泰神
道碑大父尙書左丞檢校御史大夫少府監楊州長
史安昌公長命以佳吏之名勤勞王室考仁高亮無
祿子道不究故公幼而襲安昌公焉義當是仁之弟
惟元和姓纂載長命生義宏禮本昭泰碑謂昭泰之

父名仁疑仁亦兩字命名碑或省其一耳若義本名
義宏而此碑止稱馮義者當是避孝敬諱而然碑又
有司馬雲陳元和姓纂云雲縉雲氏之後望出定興
唐有右武衛大將軍歸德公生師德師端師德右威
將軍生宏善宏陳宏善駕部郎中宏陳主客郎中陳
疑卽宏陳亦以避孝敬諱故省宏耳此更可爲馮義
卽馮義宏之證又碑云蜚鳥□出商羊屢舞案山海
經云枸狀之山有鳥焉其狀似雞而鼠尾其名蜚鼠
見則其邑大旱案說文篇韻蜚鼠之蜚當從鼠此本
山海經從虫蓋假借字耳

常山貞
石志

右八都壇神君實錄在元氏縣城角兒村碑云漢碑之建立也方伯馮公在位左尉樊君撰文以三公山光和碑證之知卽馮巡樊瑋也碑有馮義雲陳名沈氏謂卽馮義宏雲宏暕似矣然文內三見宏字並不改避何獨於人名而易之據文碑尙有陰而歐趙皆未言及沈氏於元氏碑刻搜剔靡遺亦不言有陰豈己平曼邪立碑年月歐趙所載不同當是集古錄傳刻之誤抑築壇始於元年至三年而畢功勒石或見於碑陰故歐陽父子均以爲三年歟常山志載此文闕譌不少連螭之螭蝕損

一筆而誤作土旁則又多一筆矣菜節之菜右旁
有一鉤乃卽菊字而誤作菜荐出之荐乃卽游之
借字而誤作莅僻人爲龍僻誤作僻間伺農隙間
誤作聞土之安于土誤作士至其所遺如奄有之
奄道亞之道手後之手手卽厥字疚心之疚不暇
之暇拔滯之拔豈周訪之豈遠廌之遠字皆明顯
又梁後下一字沈氏謂當是主審之主字形模具
在其言不謬參拾伍人之伍字亦尙可辨又豈如
埋下一字似寶有下半貝字可見筆無妄下一字
右旁作尋左旁似从亼又似从屮而義不可曉仍

當闕之末句爲字已泐據沈氏補 虎據作武避

諱改字磬磬作敖通用蘊藻作蘊假借藉甚作籍

露冕作冕獎晒作晒萬壑作壑皆譌俗

高士王行淹墓誌

方一尺二寸三分廿四行行廿三字字徑四分正書方界格

大唐故高士王府君墓誌銘 并序

君諱行淹字通理太原人也曰官從地家於河南故又爲縣人焉尔其仙駕上昇踐緱山而逾遠靈源迴派等淮流而不竭宦達西京聲齊五尹名雄東國高視八裴歷代英賢詳諸史傳曾祖整齊潞州主留令祖則隨汴

州浚儀縣丞父炎

皇朝襄州錄事叅軍事並冰清玉

潤人傑地靈穎川陳氏之聰賢宏農楊家之奔業爲邦

路國尋月而政成贊牧襄川隨風而響應君擢英奇樹

晞幹靈根踐詩禮之幽庭入芝蘭之奧室故得宏材挺

拔秀穎孤生逸調不羣清襟獨邁以軋封二年明經高

第授文林郎非其好也解巾從職雖陪南宮之禮挂冠

辭榮遽躡東都之迹烟霞入賞琴酒擁情談老庄而卒

歲詠圖書而盡日以垂拱二年三月廿日寢疾終於景

行里之第焉春秋六十有二惟君素履貞慶黃中元吉

果行育德資孝惟忠出入於仁義之間周旋於名利之

外復遊天爵方膺五百之期寂寞泉扃奄見三千之日
嗚呼哀哉以其年歲次景戌四月庚午朔四日癸酉空
於河南縣平樂鄉之原禮也有子懷素等樂棘毀兒茶
藁居心痛遺澤之仍留仰遠期之有日攀松攬栢瑪慕
何階地久天長聲芳未已其詞曰下空一行

白蜺仙術青鸞政道誠感天地功侔化造靈根仙胄奔
代重規衣冠閎閎人物英奇猗歟宰邑或善毗贊鬱彼
襄陽高情燦爛宏材特邁偉景孤凝千尋木聳萬頃川
澄沉研載籍脫□□侯東都美遂南澗良遊福善無異
與德何乖泉臺忽掩玉樹長埋

右高士士行淹墓誌文云曾祖整齊潞州屯留令
校隋書地理志上黨郡注云後周置潞州屯留注
云後齊廢開皇十六年復又長子注云舊有屯留
樂陽二縣後齊廢是齊無潞州亦無屯留周雖有
潞州而無屯留整令屯留當是隋官在開皇十六
年復置之後誌稱齊者隋之誤也又云祖崩隋汴
州浚儀縣丞校地志浚儀屬豫州滎陽郡滎陽郡
注云舊鄭州開皇十六年置管州大業初復曰鄭
州浚儀注云東魏置梁州陳留郡後齊廢開封郡
入後周改曰汴州開皇初郡廢大業初州廢是崩

為浚儀丞在大業以前時隸汴州汴州廢乃隸鄭

州也

趙義成造像記

刻佛座高廣十七
行行字不一字徑分正書

垂拱二年六月廿二日弟子趙義成願平安敬造

官音像一鋪合大小共

以官為觀

左衛胡衛王行威墓誌

方一尺四寸廿二行行廿二字字徑四分正書方界
格篆蓋題大唐故王府君墓誌銘九字四周刻十二
生肖形

大唐故左衛翊衛武騎尉王府君墓誌銘

并序

君諱行威字國寶其先太原晉陽人也自後因官播越
又爲雍州明堂縣人焉若乃輔嗣談元濬冲閑放纂清
徽於遠系繼盛德以追蹤者於王府君見之矣

祖金朝議郎益州司兵叅軍事

父師保朝散大

夫並志尙老莊屏忽名位優遊天地之際託賞風月之
間爰誕異人乃邦之彥叶媚川而藻性夙著溫恭稟圓
折以資生弱稱岐嶷起家以門蔭補充左衛翊衛提戈
玉宇荷戟璇墀既申之以爪牙亦罄之以心膂祿滿不
仕從私欲也於是孔座陳筵招携於執友牙琴罄玉留

連於勝

託

將謂永貞眉壽天假大年豈期董澤先秋榆

關遽落以垂拱二年歲次景戌七月己亥朔十四日壬
子遘疾終于頌政里第春秋五十有六卽以其年九月
戊戌朔五日壬寅歸葬於京地西南龍首之原禮也長
子武騎尉義方次子麟臺 御書手義端等茹荼
集慕懼平海以成田陟帖循陔慮高春而徙照敬刊貞
琬爲之誌云其銘曰

景胄華宗干霄括地師王友帝懷忠抱義挺生才彥有
美珪璋留連風月優遊老莊入仕登庸提戈荷戟朝奉
宸極罄於心迹邱園養性琴酒怡神方希懸解遽

返天真云已殒瘁人良殲容霧黜雲伍松高野曠勒方
礎于泉之幽紀四序于有迴周庶賡相于照白日識九
原于栢與楸

招福寺上座彥琮撰

右左衛翊衛王行威墓志行威次子官麟臺御書
手攷唐書選舉志集賢院御書手百人百官志集
賢殿有書直寫御書手九十人又司天臺監隸祕
書省有五官楷書手五人掌寫御書垂拱元年改
祕書省曰麟臺是誌所稱者司天臺監之御書手
隸祕書省時稱麟臺也惟志又云光宅元年不隸

麟臺則又不甚相合祕書省有楷書十人或此十人亦掌御書邪至集賢院則未嘗稱麟臺也誌石爲劉燕庭所得後置於浙之淨慈寺兵後無存甲戌夏借張松坪藏本錄之

八瓊室金石補正卷三十九終